



Mibu he i pehtlaihnak



Australia i na umthutnak ah na mibu he pehtlainak ngeih in umnak nih an bawmh khawh.



Rili ral ramdang i a ummi na hawikom pawl le chungkhar he pehtlaihnak kan ngei kho tiah ruahnak kha a biapi tuk fawn.

Miphunbu le zatlang phu tete



Mipeem pawl a bawm khomi riantuan piaknak pawl Australia ah an um.

Zatlangnun lei asilole mibu phu pawl sinah i fonhnak in na umnak hmunhma i minung pawl na pehtlaih khawh hna, hi phu ah aa telmi cu:



- mibu phu pawl



- lentecelhnak lei phu pawl



- zatlangnun lei phu pawl



Hmuhton thar pawl na ngei kho.




Na rak i nuamh bal cangnak na huammi pawl le cawlcanghnak ah na tel kho lengmang ko.

Caruk



Zapi caruk pawl nih holh tampi rel khawh dingmi cauk tampi an ngei.



Na tuah khawhmi cu:

- caruk ah na rel khawh hna



- na hlan khawh i inn ah naa put khawh

Caruk a tam-u nih hi zong hi an ngei kho:



- na hman khawh dingmi kompiota (computer) pawl




- a lak in intanet (internet) hman khawhnak

Tivi le redio



A hlei in Thawngthanh Riantuannak (Special Broadcasting Service - SBS) nih tthawngpang cu holh phun tampi in an chuah.



Tivi (TV) ah SBS na zoh khawh.



Redio (radio) ah SBS na ngai kho.

Fawn



Hihi hmangin telefon na chawn kho:

- hri in a kalmi pawl fawn in
- kut put fawn pawl in

Hri in a kalmi fawn pawl



Hri in a kalmi fawn cu na inn ah a rak i pehmi fawn kha a si.



Nangmah caah hri in a kalmi fawn pawl pehpiak dingah kompani tampi an um.




Pehnak ah pek dingmi tangka na pek a hau men lai.



Fawn auhnak caah na hmanmi liam dingmi cu thla fatin na hmuh lai.

Kutput fawn pawl



Kutput fawn pawl ngeih cu san a tlai ngai kho ko asinain hman dingah tangka tampi a dih kho.




Na kutput fawn cu hihi a si kho:

- man pek chung cangmi
- rak tuaktan chungmi



Man pek ciami fawn pawl cu hman dingmi rikhiahnak ngeih na duh ahcun an tha ko – na ti khawh lomi nak tamdeuh na hmang lai lo.



Fawn na hman hlan in na pek.


Cucu cawimi tiah auh a si.




Na cawimi na hman dih ahcun a dang na cawk chap hlan chung na fawn na hmang kho ti lai lo.



Hnatla tein bia i kamnak ca ah mithut dingin tuaktan chungnak na ngeih a hau.



Thla fatin a zat aa khatmi kha na pek lai.



Na chawnh khawhnak zat kha chiahcia a si men lai.



Na rak i ruah chungmi nak in tam deuh na chawnh hna ahcun tangka pek chap na hau lai.



Mah umnak chung fawn chawnhnak cu tampi a dih lo.



Hi bantuk hmun pawl ah chawnh tikah tampi a dih kho:

- Australia ram chung a si nain a hlat pi ah
- rili ral ramdang pawl ah



Rili ral ramdang chawnhnak ah a tlawm deuh a dihmi fawn kat pawl na cawk khawh.

Cakuat



Cauk pawl le thiltom pawl cu umnak hmunhma paoh ah na kuat khawh:

- Australia ram chung
- rili ral ramdang i hmun a tam-u



Thilkuatnak carek zung ah milu benh na cawk khawh.



Rili ral ramdang hmun pawl i thilkuat cu a man a tam deuh.

Maivan



Intanet cu i pehtlainnak ngeih dingah a thahnemmi lam pakhat a si.


Inn i intanet hman dingah na herhmi cu:



- kompiota



- intanet pehnak




Intanet Riantuannak Petu (Internet Service Provider - ISP) hmangin intanet pehnak na tuah khawh.




ISPs tampi an um. ISPs sin ah tlawmpal biaruahnak na ngeih a hau, hihi naa thim hlan ah:

- ISP
- ruah chungnak



ISPs nih thim ding ah aa dang liangluangmi tuaktan chungnak pawl an ngei.

Tuaktan chungnak nih thla fatin na pek hnga dingmi data hman dingah an pek lai.



Intanet (internet) hman khawh ding ah kutput fawn a thami pawl le tebalet kha na hman khawh.



Kutput fawn a thami pawl le tebalet (tablet) pawl cu a hme deuhmi kompiota (computer) an si i a hmai kha kut in thawnmi an si.



Fawi tein hman khawh an si, nain a man belte a fak deuh kho.



Na umnak hmun caruk i kompiota kha a lak in na hman khawh, hihi a si ahcun:

- kompiota na ngeih lo ahcun
- intanet ah aa peh lo ahcun



A hlan i kompiota na rak hman bal lo asilole naa zumh lo ahcun caruk i riantuantu nih an in bawmh khawh men lai.

Hi ka a lonnak cahmai hi cu nganh ta hramhrammi a si



Australian Government
Department of Social Services

Mipeem Caah Tuantu Ramkip Huap Phu
nih Australian Cozah Zatlang Bawmhnak
Phu ai-awh in a cawnpiak hna

